

[نومرو ۱۸]

[ایکنجی سنه]



خزینہ اوراق

مؤسسی

محمود جلال الدین

تاریخ طبعی

۱۰ جمادی الاخر سنه ۱۳۰۳

تاریخ تأسیسی

۱ مایس سنه ۱۲۹۷

بو رسالهء ادبیہ جمعہ ایرتسی کونلری چیقار

بشقه سندن کورمه تھمل ایددمیه جکک معامله نی
اخره ایتمه .

—
عادت بلهانک دستور العملیدر .

—
عطالت او قدر بطی السیر درکه فقر و ضرورت در حال
ارقه سندن یتشور .



غزل

عکس حسن یار اشک چشم بی فردن کچر
فلک کوهر در او کویا بحر احمردن کچر
یکتن اولق ایسته یین اوکلبدنله عاقبت
پرهن وش سینه سین چاک ایلوب سردن کچر
هوب بو لعبتگاه دهرک روز وشب مهر و مهری
ایکی طفل نازنیندر صانکه چنبردن کچر
قامتک سیر ایلین طوبایه ایلرمی نگاه
لعل جانخشک اوپن البته کوثردن کچر

صانمه (ل . ل) دكمز اول سيمينبرك هيچ قلبنه
 ناولك آه درون پوللاد و مر مردن كچر
 (ل . خانم)



استانبول اديبه لرندن (ب . . عفيفه خانم) حضر .
 تلرينك مقاله شاعرانه لرندن مابعد :

بو ارالق طرف مغربده مشهود اولان افقك سمايه
 طوغرى رنكارنك التون يالدىلى بلوطلردن مرتسم حير .
 تجشا اشكال عحييه وغريبه سنى كورنلر لباس پنبه زارلرينى
 كيمش وقباى زرین تارلرينه بورنمش اهل سموات روى
 زمينه تقرب ايدرك خلاق جهانك عظمت و قدرتنه
 برهان جلی اولان بوتماشاگاه جلیلی متحیرانه سير ایدیورلر
 خولياسندن فکرلرينى قورتاره مزلردى .

فکرم عاجز وقاصر اولمغله برابر حکم خفيه ربانيه نك
 سرائر کونا کوننى تجسسله اوغراشور و صانع حقيقينك
 قدرت لم يزلينى ارئه ايدن دقايق حکميه سى اره سنده
 کمال عجز ايله چرپنور طورردى .